



Inatsisartuni ilaasortaq Aleqa Hammond
c/o Inatsisartut Allattoqarfiat

Sags nr. 2010-024223

Dok. nr. 295658

Asasara Aleqa Hammond,

20. januar 2010

Inatsisartut Suleriaasianni § 36, imm. 1 naapertorlugu apeqquteqarputit Naalakkersuisut Hoyvikimi Isumaqtigii summut ilanngunnialersaarnersut.

Postboks 1340
3900 Nuuk
Oq/tel +299 34 50 00
Fax +299 32 93 98
nap@gh.gl
www.nanoq.gl

Nunat Avannarliit Killiit Siunnersuisoqatigiivisa inassuteqaataanni 2006/1-imi taamanikkut Inatsisartuuusut Kalaallit Nunaat Hoyvikimi Isumaqtigii summut ilannguteqqullugu kaammattorpaat. Inatsisartut Nunanut Allanut Sillimaniarnermullu Ataatsimiitaliaata isumaliutissiisuttaatigut ulloq 9. november 2006-imi isumaliutissiisutigineqartukkut pineqartoq pillugu ulloq 14. november 2006-imi aappassaaneerinninnermi akuersissutigineqarpooq. Pisortaqarfiiit attuumassuteqartut inuussutissarsiortullu sinnisaat tusarniaanermut atatillugu akissutaat tunnavigalugit isumaliutissiissut suliarineqarsimavoq.


GREENLAND
www.greenlandexpo.gl

Oqallinnerit kingornatigut pisarsimapput, ilaatigut Nunat Avannarliit Killiit Siunnersuisoqatigii 14.-17. juni 2007-imi aalajangersimasumik qulequtaqarluni ataatsimiinneranni kingullermillu ulloq 28. august 2008-mi Hoyvikimi Isumaqtigii issut niuernerlu killilersugaanngitsoq pillugit paasissutissiinermi.

2007-imi taamanikkut Aningaasaqarnermut Naalakkersuisuusimasup aalajangersimasumik qulequtaqarluni ataatsimiinnermi oqalugiarnermi nassuaanerata kingorna Kalaallit Nunaata niuernikkut politikkianut tunngatillugu iliuusissatut pilersaaruta allanngorsimanngilaq. Isumaqtigii summut ilaasortanngornissatsinnut suli piareersimanngilagut, kisianni Islandimik Savalimmiunillu suleqateqarnitta ineriartortinnissaa illugiilluni niueqatigii nissamik sulissutigaarput. Kalaallit Nunaata nunani allani niuernikkut politikkia WTO-mi malittarisassanik aalajangersagaavoq, aamma taakkua malillugit sulineq ingerlapparput.

Hoyvikimi Isumaqtigii issut pillugu pisoq kingulleq tassaavoq Islandimip Savalimmiunillu aalajangiummassuk isumaqtigii issutip annertusarnissaa siunertaralugu ataatsimiitaliamik siunnersuisartussamik pilersitsinissaq. Ataatsimiitaliaq taanna Nunat Avannarliit Killiit Siunnersuisoqatigiifiaata ataaniilissagaluarpat, Kalaallit Nunaat alaatsinaattutut peqataalissaq.

Kisianni Islandimik Savalimmuniillu suleqateqarnermi pingaarutilinnik illugiluni niueqatigiinnermik angusaqartoqarsimavoq, ingammik Islandimut tunngatillugu. Tassani taaneqarsinnaapput 2007-imi isumaqatigiissut Open Skies, 2009-mi Napparsimavinnik suleqateqarnissamik isumaqatigiissut kiisalu Niuernikkut Aningaasarsiornikkullu ataatsimeersuarnissaq 2010-mi pisussatut naatsorsuutigineqartoq. Savalimmunut tunngatillugu atorfilittigoortumik oqaloqatigiinneq pisimavoq ilaatigut WTO-mi malittarisassat malillugit suleqatigiinnissamik.

Naalakkersuisut tungaaninngaannit Hoyvikimi Isumaqatigiissummut ilaasortanngorniarnermi itigartitaaneq nalilersoqqinnejarnikuunngilaq, soorlu aamma Nunanut Allanut Pisortaqaarfik imaluunniit Inussutissarsiornermut Aatsitassarsiornermullu Naalakkersuisoqarfik soqutigisaqaqatigiinnit nalunaarfingineqalutik nalileeqqinnissamik kissaatinik tigusaqarsimanngitsut.

Naggataatigut taarusuppara taama ittumik nalileeqqinnginnermi Islandip EU-mut ilaasortanngorniarneranut tunngasoq utaqqimaarneqartariaqartoq.

Neriuppunga, qulaani akissutigineqartutigut apeqqutigisatit Naalakkersuisut sinnerlugit akismallugit.

Inussiarnersumik inuullaqqusillunga

Kuupik Kleist
Naalakkersuisut Siulittaasuat